



Broj: 03-11-1744/23

Datum: 16.10.2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, Općinski načelnik d o n o s i

O D L U K A **o poništenju postupka javne nabavke**

I

Poništava se postupak javne nabavke radova: „Izvođenje radova na popravci i sanaciji dječijih i sportskih igrališta na području općine Vogošća“.

II

Za izvršenje ove Odluke zadužuje se Služba za privredu, integrisani lokalni razvoj i društvene djelatnosti Općine Vogošća.

III

Odluka o poništenju postupka javne nabavke objavit će se na web stranici www.vogosca.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 03-11-1744/23 od 22.09.2023. godine.

Procijenjena vrijednost javne nabavke sa PDV-om je: 5.000,00 KM (slovima: pet hiljada konvertibilnih maraka).

Obavještenje o javnoj nabavci broj: 1353-1-3-194-3-179/23 od 29.09.2023. godine, poslano je na objavu na Portal javnih nabavki.

Komisija za javnu nabavku roba, usluga i radova je imenovana Odlukom Općinskog načelnika broj: 02-04-364/23 od 28.02.2023. godine.

Iz Zapisnika sa otvaranja ponuda i Zapisnika o pregledu i ocjeni ponuda Komisije za javnu nabavku je vidljivo da je dana 16.10.2023. godine pristigla ponuda slijedećeg ponuđača sa ukupnom ponuđenom cijenom kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	Green servis d.o.o. Sarajevo	5.000,00	/	5.000,00

Nakon izvršenog otvaranja ponuda Komisija je pristupila analizi dokumentacije iz jedine pristigle ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala slijedeće:

Ponuda ponuđača Green servis d.o.o. Sarajevo nije pravilna iz razloga što je ponuđač kao dokaz ispunjavanja uslova u pogledu tehničke i profesionalne sposobnosti dostavio potvrdu broj: 136/23 od 23.08.2023. godine izdatu od strane kompanije SHAD INVEST d.o.o. Sarajevo, koja se odnosi na izvođenje **radova na hortikulturnom uređenju zelenih površina** sa svim pripadajućim radnjama za ugradnju dječijeg mobilijara na kompleksu „POLJINE HILLS“. Iz dostavljene predmetne potvrde nije vidljivo da se ista odnosi na zahtijevano u tenderskom dokumentu kojim je propisano kako slijedi: „7.4. a) uspješno iskustvo u realizaciji najmanje 1 (jednog) ili više ugovora u posljednjih 5 (pet) godina, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, a koji se odnosio na izvođenje radova na izgradnji i/ili rekonstrukciji i/ili sanaciji dječijih i/ili sportskih igrališta u ukupnoj vrijednosti od 5.000,00 KM bez uračunatog PDV-a ili više pojedinačnih potvrda u ukupnoj vrijednosti od 5.000,00 KM bez uračunatog PDV-a.“

U skladu sa naprijed navedenim ponude ponuđača Green servis d.o.o. Sarajevo se kao takva nije mogla uzeti u dalje razmatranje.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav 2) tačka e) Zakona o javnim nabavkama donese Odluku o poništenju postupka javne nabavke radova: „Izvođenje radova na popravci i sanaciji dječijih i sportskih igrališta na području općine Vogošća“, jer jedina zaprimljena ponuda nije pravilna/prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka. Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Izradila: Jasna Salihović



Kontrolisala: Melisa Kršo





DOSTAVITI:

- Green servis d.o.o. Sarajevo
- Nadležnoj Službi
- a/a